

BOSNA I HERCEGOVINA
CENTRALNA IZBORNA KOMISIJA
SREDIŠNJE IZBORNO POVJERENSTVO



БОСНА И ХЕРЦЕГОВИНА
ЦЕНТРАЛНА ИЗБОРНА КОМИСИЈА

6. oktobar
listopad
октобар

LOKALNI
IZBORI
2024
ИЗБОРИ
ЛОКАЛНИ



Lokalni izbori 2024

Centralna izborna komisija Bosne i Hercegovine je dana 08.05.2024 donijela Odluku o raspisivanju i održavanju Lokalnih izbora 2024. godine



Izbori će se održati u nedjelju 06. oktobra 2024. godine

Izbori su raspisani za:

- **58 općinskih vijeća u Federaciji Bosne i Hercegovine,**
- **53 skupštine općina u Republici Srpskoj,**
- **111 načelnika općina u Bosni i Hercegovini,**
- **21 gradsko vijeće u Federaciji Bosne i Hercegovine,**
- **10 skupština gradova u Republici Srpskoj,**
- **31 gradonačelnika u Bosni i Hercegovini i**
- **Skupštinu Brčko distrikta Bosne i Hercegovine.**

Finansiranje izbora

- Za aktivnosti Centralne izborne komisije BiH na provođenju Lokalnih izbora 2024. godine odobreno je **7.410.000 KM.**
- Centralna izborna komisija BiH uputila je poseban zahtjev MFT BiH za dodatnih **4.173.000 KM.**
- Osim navedenog: procjena je da će i općine/gradovi snositi ukupne troškove oko **7.500.000 KM.**
- Očekivani ukupni troškovi Lokalnih izbora 2024. iznositi će oko **19.000.000 KM.**

Centralni birački spisak – upis birača u CBS

1. Centralna izborna komisija BiH usvojila je Odluku o zaključivanju Centralnog biračkog spiska sa stanjem na dan 07.05.2024. godine u 24.00 sata prema kojoj je u Centralni birački spisak upisano 3.406,088 birača.
2. Državljeni BiH koji su u inostranstvu, ukoliko se žele prijaviti da glasaju iz inostranstva potrebno je da podnesu svoju prijavu za glasanje izvan BiH putem portala [e-Izbori](#) od dana raspisivanja izbora do **23.07.2024 do 24:00 sata.**
3. Raseljene osobe, ukoliko žele izvršiti promjenu biračke opcije za Lokalne izbore 2024. godine, potrebno je da podnesu zahtjev nadležnom centru za birački spisak do 23.07.2024. godine.



Prijava birača iz inostranstva

Kako biste podnijeli prijavu za glasanje izvan Bosne i Hercegovine neophodno je da se:

1. Prijavite na portal e-Izbori s vašim pristupnim podacima

*Ukoliko ste zaboravili šifru istu možete dobiti pritiskom na
tekst: Zaboravljena šifra ili link:
[Zaboravljena šifra \(izbori.ba\)](https://www.izbori.ba)*

2. Unesite vaše lične podatke;

3. Učitajte skenirane dokumente;

4. Nakon učitavanja dokumenata pritisnite dugme „Pošalji zahtjev“.

Detaljne informacije o postupku možete pogledati u Video uputstvu prijava birača iz inostranstva na link Centralne izborne komisije BiH (www.izbori.ba)

Uputstvo o rokovima i redosljedu izbornih aktivnosti

- **od 09. do 24. maja 2024. godine** se podnose prijave za ovjeru učešća na izborima za političke stranke i nezavisne kandidate,
- **od 10. do 18. juna 2024. godine** se podnose prijave za ovjeru koalicija i listi nezavisnih kandidata,
- **od 26. juna do 08. jula 2024. godine** se podnose kandidatske liste,
- **22. avgusta 2024. godine** ovjerene kandidatske liste će biti objavljene u dnevnoj štampi kao i u službenim novinama,
- **Izborna kampanja počinje 6. septembra 2024. godine,**
- Period predizborne šutnje počinje od **05.10.2024. u 07:00 sati** i traje do zatvaranja biračkih mjesta.

Prijava za ovjeru za izbore

Prijava za ovjeru političkog subjekta, kao i podnošenje kandidatskih listi, vrši se putem on-line portala Centralne izborne komisije BiH „e-izbori“.

<https://eizbori.izbori.ba>

Prijava političke stranke i nezavisnog kandidata

1. 100 potpisa birača upisanih u Centralni birački spisak za izbore za OV/SO i za načelnika općine (za općine u kojima broj birača nije bio veći od 10.000)
2. 200 potpisa (za općine u kojima je broj birača veći 10.000)
3. pet % potpisa birača upisanih u Centralni birački spisak (za općine u kojima broj birača nije bio veći od 1000)

- prikupljanja potpisa su oslobođeni politički subjekti, nosioci mandata prema potvrđenim rezultatima Lokalnih izbora 2020., ako se radi o istoj izbornoj jedinici, a ako je mandat osvojila koalicija ili lista nezavisnih kandidata smatra se da je svaka članica tog subjekta osvojila mandat i oslobođena je obaveze prikupljanja potpisa

4. Rješenje o upisu u registar ili Izvod iz sudskog registra nadležnog organa (ne starije od 60 dana)
5. Broj posebnog računa za finansiranje troškova izborne kampanje
6. Finansijski izvještaj za period od 3 mjeseca prije podnošenja prijave za ovjeru (predizborni izvještaj)
7. Izvještaj o prometu posebnog računa za finansiranje troškova izborne kampanje (izvodi banke sa računa ili analitička kartica banke)



Prijava političke stranke i nezavisnog kandidata

8. Dokaz o uplaćenju taksi (*koji vrijedi za oba nivoa, gradonačelnik/načelnik i za OV/SO/GV/SG*):

- 2.000,00 KM za političku stranku koja se kandiduje u sjedištu stranke za načelnika/ gradonačelnika i za OV/SO/GV/SG, te po 200,00 KM za kandidovanje u svakoj novoj izbornoj jedinici
- 1.000,00 KM za kandidaturu za nezavisnog kandidata

9. Izjava predsjednika političkog subjekta o nepostojanju lica na funkciji ili položaju u političkoj stranci, a koja su na izdržavanju kazne izrečene od Međunarodnog suda za ratne zločine ili pod optužnicom Suda a koja se nisu povinovale naredbi da se pojave pred sudom, kao i Izjava o pridržavanju, u svojim aktivnostima, Općeg okvirnog sporazima za mir u BiH, i to ovjerenu od nadležnog organa ili potpisanu u sjedištu Centralne izborne komisije BiH. (članovi 1.6 i 1.13 Izbornog zakona BiH).

Prijava političke stranke i nezavisnog kandidata

10. Izjava predsjednika političkog subjekta da nema neizmirenih obaveza po osnovu pravosnažnih i izvršnih odluka o izrečenim novčanim kaznama, ovjerenu od nadležnog organa ili potpisanu u sjedištu CIK BiH.

11. Potpisana izjava nezavisnog kandidata/ kandidata da nema smetnji za kandidiranje i da nije osuđen od strane bilo kojeg međunarodnog ili domaćeg suda za zločin genocida, zločine protiv čovječnosti ili ratne zločine, te da nema izrečenih mjera zabrane obavljanja određene dužnosti, i to ovjerenu kod nadležnog organa ili kod nadležne općinske/ gradske izborne komisije. (1.6., 1.7., 1.7a., 1.7b i 1.10 stav (1) tačka 5).

12. Izjava političkog subjekta da je izabrani zvaničnik tog subjekta osvojio mandat na Lokalnim izborima 2020. godine i da je još uvijek član te stranke.

Zabrana vođenja preuranjene izborne kampanje

U periodu preuranjene izborne kampanje zabranjeno je upoznavanje birača i javnosti sa programom i kandidatima političkih subjekata za predstojeće izbore.

„Preuranjena izborna kampanja“ je svaki oblik radnji iz kampanje koje preduzimaju politički subjekti u periodu **od raspisivanja izbora do perioda zvaničnog početka izborne kampanje (08.05. – 06.09.2024.)**

Pravila ponašanja u izbornom periodu

- Zabrane iz člana 7.3 stav (1) IZ BiH koje su se ranije odnosile samo na period izborne kampanje sada se odnose na izborni period.
- Političkim subjektima, kandidatima i njihovim pristalicama kao i izornoj administraciji u izbornom periodu je pored ostalog zabranjeno koristiti se govorom mržnje, sprječavati novinare da obavljaju svoj posao i zloupotrebljavati djecu u političke svrhe.
- Zabrane iz člana 7.2a koje se odnose na zloupotrebu javnih sredstava ne dozvoljavaju korištenje pozicije rukovodioca organa ili ustanove za javnu promociju sebe kao kandidata i/ili političkog subjekta; zatim promociju političkih subjekata i kandidata na javnim događajima koje finansiraju javne institucije ili javna preduzeća; korištenje javnih sredstava i resursa u svrhu direktne ili indirektno kupovine podrške birača tokom izborne kampanje.

Lažne informacije

- Političkim subjektima je zabranjeno da putem medija iznose lažne informacije koje bi mogle ugroziti integritet izbornog procesa i dezinformisati birače.
- U slučaju kršenja navedene norme Centralna izborna komisija Bosne i Hercegovine je ovlaštena da pokrene postupak. (član 16.17a)

Medijsko predstavljanje

1. Politički subjekti u periodu izborne kampanje obavezni su osigurati ravnomjernu promociju kandidata oba spola u medijskim nastupima.
2. Politički subjekt dužan je u roku od 15 dana od dana održanih izbora osigurati uklanjanje svih promotivnih materijala.
3. Informisanje o redovnim aktivnostima zvaničnika dozvoljeno je bez navođenja njihove kandidature i stranačke pripadnosti.
4. On-line mediji koji se opredijele za izvještavanje o izbornoj kampanji dužni su osigurati informacije o strukturi vlasništva nad medijem i impresum.

Izborna administracija

- 143 izborne komisije osnovne izborne jedinice broje ukupno 583 člana.
- Do danas su imenovana 564 člana, dok je procedura imenovanja 19 članova u postupku.
- Centralna izborna komisija BiH će imenovati zamjenske članove, u svim onim izbornim komisijama gdje nije završena procedura imenovanja.

Predsjednici biračkih odbora

Centralna izborna komisija BiH imenuje predsjednike/zamjenike predsjednika biračkih odbora, a samo političke stranke koje imaju mandat u skladu sa potvrđenim rezultatima Lokalnih izbora 2020. godine, a koje su ovjerene za učešće na ovim Lokalnim izborima mogu učestvovati u dodjeli pozicije za ostale članove biračkog odbora.

Pozivamo sve koji su zainteresirani i žele se prijaviti za predsjednike biračkih odbora da se nakon objavljivanja javnog poziva prijave. O datumu objave javnog oglasa ćete biti blagovremeno obavješteni.

Način glasanja

Novina je da je dozvoljeno označiti jednog ili najviše tri kandidata na jednoj listi koju je birač odabrao.

Ako je birač validno označio više od tri kandidata na jednoj listi smatra se da je politički subjekt osvojio jedan važeći glas, dok se preferencijalni glasovi za kandidate neće brojati.

Pilot projekti na Lokalnim izborima 2024

1. Pilot projekat 1 - **Autentifikacija birača i transmisija rezultata** (uz podršku Delegacije EU)
2. Pilot projekat 2 - **Optički skeneri i automatsko prebrojavanje glasačkih listića** (uz podršku USAID-a)
3. Pilot projekat 3 - **Biometrijska identifikacija i autentifikacija birača** (uz podršku OSCE Misije u Bosni i Hercegovini)
4. **Video nadzor**



Lokalni izbori 2024. godine

06. oktobar

Glasaj !

- Internet-adresa: www.izbori.ba
- X: @IZBORI_BA
- Instagram: [izbori_ba](https://www.instagram.com/izbori_ba)
- <https://www.youtube.com/c/IZBORIBIH>
- <https://www.facebook.com/people/Centralna-izborna-komisija-Bosne-i-Hercegovine/100083235705310/>
- <https://ba.linkedin.com/company/centralna-izborna-komisija-bosne-i-hercegovine>
- kontakt@izbori.ba
- Tel: 033/251-300

